

## 除夕节的古诗

1.  
萧疏白发不盈颠，守岁围炉竟废眠。剪烛催干消夜酒，倾囊分遍买春钱。  
听烧爆竹童心在，看换桃符老兴偏。鼓角梅花添一部，五更欢笑拜新年。  
——孔尚任《甲午元旦》

2.  
残腊即又尽，东风应渐闻。一宵犹几许，两岁欲平分。燎暗倾时斗，春通绽处芬。  
明朝遥捧酒，先合祝尧君。——曹松《除夜》

3.寒辞去冬雪，暖带入春风。——唐太宗《守岁》

4.  
不求见面惟通谒，名纸朝来满敝庐。我亦随人投数纸，世情嫌简不嫌虚。  
——文征明《拜年》

5.患难思年改，龙钟惜岁徂。——唐庚《除夕》

6.一宵犹几刻，两岁欲平分。——曹松《除夜》

7.  
休叹流光去，看看春欲回。椒盘卷红烛，柏酒溢金杯。残腊余更尽，新年晓角催。  
争先何物早，唯有后园梅。——朱淑贞《除夜》

8.  
细草穿纱雪半消，吴宫烟冷水迢迢。梅花竹里无人见，一夜吹香过石桥。  
——姜夔《除夜自石湖归苕溪》

9.

昨夜斗回北，今朝岁起东；我年已强壮，无禄尚忧农。桑野就耕父，荷锄随牧童；田家占气候，共说此年丰。——孟浩然《田家元日》

10.

旅馆谁相问？寒灯独可亲。一年将尽夜，万里未归人。寥落悲前事，支离笑此身。愁颜与衰鬓，明日又逢春。——戴叔伦《除夜宿石头驿》

11.万里经年别，孤灯此夜情。——白居易《除夜寄弟妹》

12.

天地风霜尽，乾坤气象和；历添新岁月，春满旧山河。梅柳芳容徧，松篁老态多；屠苏成醉饮，欢笑白云窝。——叶颙《已酉新正》

13.

岁序已云殚，春心不自安。聊开柏叶酒，试奠五辛盘。金薄图神燕，朱泥却鬼丸。梅花应可折，倩为雪中看。——庚肩吾《岁尽应令诗》

14.

乡心新岁切，天畔独潸然。老至居人下，春归在客先。岭猿同旦暮，江柳共风烟。已似长沙傅，从今又几年。——刘长卿《新年作》

15.

除夕更阑人不睡，厌襊钝滞迫新岁；小儿呼叫走长街，云有痴呆召人卖。——范成大《卖痴呆词》

16.

乾坤空落落，岁月去堂堂；末路惊风雨，穷边饱雪霜。命随年欲尽，身与世俱忘；无复屠苏梦，挑灯夜未央。——文天祥《除夜》

17.

旅馆寒灯独不眠，客心何事转凄然？故乡今夜思千里，霜鬓明朝又一年。——高适《除夜作》

18.

事关休戚已成空，万里相思一夜中。愁到晓鸡声绝后，又将憔悴见春风。  
——来鹄《除夜》

19.

欢多情未极，赏至莫停杯。酒中喜桃子，粽里觅杨梅。帘开风入帐，烛尽炭成灰。勿疑鬢钗重，为待晓光催。——徐君倩《共内人夜坐守岁》

20.四十明朝过，飞腾暮景斜。——杜甫《杜位宅守岁》

21.乱山残雪夜，孤烛异乡人。——崔涂《巴山道中除夜有作》

22.寒灯短烬方烧腊，画角残声已报春。——方干《除夜》

23.冬尽今宵促，年开明日长。——唐太宗《除夜》

24.

律转鸿钧佳气同，肩摩毂击乐融融。不须迎向东郊去，春在千门万户中。  
——叶燮《迎春》

25.寒随一夜去，春逐五更来。——王湮《除夜》

26.

迈街相约看花市，却倚骑楼似画廊；束立盆栽成列队，草株木本斗芬芳。  
通宵灯火人如织，一派歌声喜欲狂，正是今年风景美，千红万紫报春光。  
——林伯渠《春节看花市》

本文链接：<https://duanjuziku.com/duanjuzi/1ud7hg3odg.html>